



SANTEZ BARBA BENNIGUET,
INTERCREDIT EVIDOMP, NI HO PED.

HISTOR EUS A VUEZ

SANTEZ BARBA,

*Pehini zo mad da veza reclamet dioc'h
argurun ha dioc'h ar maro subit.*



Var an ton ordinal.



ME ho suppli, compagnaitez,
Da zelaou cana ar Vuez
Da zantez Barba biniguet,
A zo a nevez compostet.



Er bлоa daou c'chant bac anter-cant,
Dindan Maximin an tyrant,

Demeus a noblanç bras meurbet ,
E Nicomedi voe ganet.



He zud a voa idolatret
A gorf , a galon , a speret ;
He zad d'ar gristenien garo ,
A rē o laqat d'ar maro.



Mes ar Verc'hez Santez Barba
Nemet Jesus ne gar netra ;
Christenez voe evit certen ,
Ha souten vrás d'ar gristenien.



Oc'h e beza caer meurbet ,
Gant eur prinç bras voe gouennet ,
Hac e voa gantâ deziret
Evit e c'haouet da bried.



He zad a gommadas dezi
Accepti souden ar parti ;
Mes hi a respontas neuze
Ne raje biqen an dra-ze.

O sònjal galloud he dompti,
Gourc'hemen a eure dezi
Antren en eun tour er prison,
O clasq he renji d'e rôson.



Eno e câvas Doue e zad
A ranversas gant eun tol troad :
Da Jesus-Christ en em roas
Corf hac ene a galon vad.



Ar c'homzou-màn a lavaras :
Jesus a zo maro er groas ,
Voui a rân d'ho Majeste
A galon va virginite.



Neuze souden , dre viracl bras ,
Sin ar Groas qen don a c'hravas
Gant e bis en eur men calet ,
E effaci ne allet qet.



Goude-ze e commandas prest

Ma vije great tri brennest
Evit enori an Drindet
A gare a galon barfet.



He zad an dra-ze pa velas ,
Ous ar Zantez a c'houennas :
Petric sinisi qementse
Zo grêt dre hoc'h autorite ?



Evit enori an Drindet
O ober am eus commandet :
An Tad , ar Mab , ar Speret-Glan
A zo tri ferson en unan.



Tri brennest zo var ar prison ;
Un Doue zo en tri ferson ;
Mes va entent na ellit qet ,
En defot beza badezet.



Va zad , pa em eus commandet ,
E livirin dêc'h eur secret :
Credi a rân en Jesus-Christ ;

Ma droug a rân , ma zoc'h-hu trist ?



Souezet omp ouz ho qüelet
Entre zoc'h , e'houi , idolatret ,
Ouz ho qüelet oc'h adori
Doueou grêt gant mein ha pri.



Me ne rân qet a estim bras
A Jupiter nac a Ballas ;
Satan en deus o invantet
Evit coll ar bobl eus ar bed.



Eur re zo Egyptianet ,
Hac a ador ar serpentet ,
Ispicial ar c'rocodil ,
A zo var dro rivier an Nil.



Darn all a ador un eujen ,
Eur seurt all a bed un azen ,
Hac an dud a Alexandri
A ador ar c'baz hac ar c'hi.



Etrezomp-ni oll , Christenien ,

A ador un Doue mui qen ,
Pehini a zo an Autrou
Eus an douar hac an ênvou.



Ho pet, balamour da Zoue ,
Ho pet truez ouz hoc'h ene ;
Lest al lezen-ze milliguet ,
Petramant e viot daonet.



He zad neuze pa e c'hlévas ,
Dre goler vrás e respontas :
Effrontet out , en assuranc ,
Comz er fècon-ze em presanç .



la , ret eo , assuramant ,
E pez-te collet da sqiant ,
Adori un den zo crouguet
Evit crimou hep mar ebet.



Va zad , laqêt voa d'ar maro
Gant ar judevien en e vro ;
Mes , va zad , ne ententit qet ,

Penevert se e voamp collet.



Da ennes en deus va frenet ,
Va zad , ez on-me demezet ;
Brassoc'h mestr eo assuramant
Eguet Maximin an tyrant.



Ennes en deus grêt a netra
Qement a velomp er bed-mâ ,
Hac a rei eur plaç da repos
D'ar Gristenien er Barados.



Mes ar re ne gredit enna ,
Pa zeuyo da varn ar bed-mâ ,
O c'hondaono d'an tan grissas ;
N'en deus poan a ve qen divlas.



En eur goler ec'h antreas ,
E gleze diouc'h-tu a dennas ;
He treuzi a fellas dezàn ,
Mes Doue a viras ountân .

Redec a eure var he lerc'h,
Mes eur roc'h güenn evel an erc'h
Evit he c'honservi antier
En em digoras dre'n anter.



Goude-ze e voe qemeret,
Ha gant qerden rust amaret,
Ha d'ar president Marcian
E zad el livras e-unan.



Ar president, pa e güelas,
Ouch ar Zantez a c'houlennas :
Din-me prontamant livirit
Peseurt Doue a adorit.



Credit-hu certen, president,
Christenez oun certenanant ;
Ha ne zeus nac aour na tourmant,
A elfe chench va zantimant.



Ho toueou zo hep gallout

Na da ober na mad na drôug ;
Rac-ze e zeo bras ho fazi
Laqat ar bobl d'o adori.



Soüezet bras oun-me ganeoc'h ,
Va merc'h , truez am eus ouzoc'h ;
Qüittait ho lezen ato ,
Pe autramant ez oc'h maro.



Mar qirit chench a zantimant ,
Me royo dêc'h aour bac arc'hat ,
Hac eur Prinç bras evit pried ,
Ho caro a galon barfet.



It gante en perdition ,
Jesus eo va zenzor güirion ;
Bras ve an den ambitius ,
Ma na ve contant a Jesus.



E zad neuze , pa he c'hlêvas ,
D'ar presidant a lavaras :
Autrou presidant , grit justiq ,

Rac homàn zo leun a valic.



Rac-ze grit justiç , me ho ped ,
Ha dezi ne faziet qet ,
Pe me scrifo a dra certen
Ez oc'h evit ar Christenien.



Au Impalaer dre e arrêt
A ordren ma vezò losqet ;
Mar faziit , credit ervat
Ez oc'h assur da goll ho stat.



Neuze souden voe divisqet ,
Ouz eur pillyer e voe staguet ,
Ha dispennet gant scrifellou ,
Ma coeze he c'hib a beziou.



Un horrol bras e voa güelet
He goad virginal o redec ,
He ne voa den , bras na bian ,
N'e voeljont oll guitungan.

Goude d'ar prison voe casset,
Er bassefos e voe laqet,
O clasq dont a ben anezi,
Autramant e disesperi.



Neuze souden voe bisitet
Gant Jesus-Christ, Salver ar bed,
Pehini, en eur douch outi,
A eure salo anezi.



Barba, va merc'h, ho pet courach,
Rac ar President a arrach
Ouzoc'h, en defot va c'huittât
Da adori Döue ho tad.



Jesus, n'am abandonit qet,
Mar plich ganêc'h, va zicouret,
Ma ellin souten constamant
Evit ho cloar pep seurt tourmant.



An eol, al loar hac ar stered

Pa veljont n'allent qet outi,
O deus sònjet e c'hondaoni
D'ar fin da veza dibennet
Var eur chaffot a voe dresset.



Ar bourreo gant truez outi
Ne zibenne qet anezi ;
E zad, bourreo ar c'hruella ,
En em offras d'e dibenna.



Neuze ec'h eure eur beden
Da Zoue vit ar Gristenien ,
Ma pliche da Zalver ar bed
Accordi dezi eur reget.



Goulen a eure ouz Doue
Evit piou benac m'e fedje .
Ne varvo qet subitamant
Abars receo ar Zoramant.



Un *Æl* neuze apparissas ,

Ha d'ar Zantez a lavaras :
Barba , n'ho ped douetanç ebet ,
Accordet eo dêc'h ho reqet.



Eur gurunen a c'hloar a zougàn
Bremâ-zouden d'ho curunàn ,
Rac prest oc'h da vont da velet
Doue , ar Zent ha Sentezet.



Eun tol cleze digant e zad
A zispartias evit mad
E c'horf eürus diouz e fen ,
Hac e lamas a hep anqen.



Eun tol curun demeus an eê
A foueltras e zad goude ze ;
Qement all evit paemant
A c'hoarvezas gant an tyrant.



Ebars en calz euz a vrôyou
Eus dediet dei Chapelou ;
Mes unan zo dreist pepini

A interess ac'h anomp-ni.



An drede deiz a viz Gouere

E ve bras ar solanite

E Santez Barba , en Rosco;

Eno e ve tud a bep bro.



Pedomp-hi eta , Bretonet ,
Ma vimp dre e græç preservet
Demeus ar gurun bac an tan ,
Ha da sovetat peb-unan .

FIN.



E Montroulez , eus an Imprimeri LÉDAN.
